

47287

50220.165

739

1004

泰伯梅里志

秉鈞署



齊伯樵里年

光緒丁酉夏開雕
泰伯廟東院藏版

序

光緒二十二年冬熙奉檄再權金匱金匱故無錫分縣其東南境有梅里鄉實爲吳泰伯發祥兆基之地廟墓在焉康熙時三韓吳公存禮以泰伯裔巡撫江南嘗撰梅里志四卷道光初守廟道士華乾重刊以傳今年春視事之暇竊欲考覽邑中文獻與過君玉書劉君石香論及此志體例未當且多繆誤有必須訂正者地志諸書首重道里沿革古梅里城郭經界雖不可知而自宋迄明版籍所記有泰伯鄉梅里鄉章章可考居今稽古當舉二鄉爲權輿乃舊志畧而不詳泛引延陵闔閭虞山安陽

泰伯梅里志


序

山柯山閭江山非梅里地爲埒見夫非梅里地而牽涉吳事者豈僅此數處旣難盡著於編則得諸眉睫失諸千里矣詩文類載李舒撰讓皇帝廟樂章見郭茂倩樂府詩集此讓皇帝乃唐睿宗長子憲新舊唐書有傳與志無涉張詠泰伯廟詩曾幾重修至德廟記並見范成大吳郡志而張詠誤爲范淹作曾記脫落至百餘字且所記祠在蘇郡於地不相屬也熙以泰伯裔來守茲土訂譌補闕在昔通儒往往企待後人何況圖經志乘本有司之責遂有重修之議屬一君蒐羅遺佚得故文學安起東浦傳桂合撰式稿於鄉之鄉應直家其稿采摭廣博所引書如

元王仁輔無錫州志明宏治萬厯及 國朝乾隆以前諸邑志
皆世抄傳本足爲掌故之助惟所分門類多襲邑志舊文重見
複出尙欠裁斷檢其目錄知猶未定稿也題曰錫山梅里志例
言因吳江常熟均有梅里特冠錫山以別之所見未免迂淺古
來地志之書名同代異例不避易錫山非梅里所有又非古今
縣名舉以名書甚屬無謂今據其稿芟蕪存實重加刪定釐爲
八卷以泰伯梅里二鄉爲權輿卽以名志爰倡捐付梓仍畧安
浦二氏之名於簡端俾勗始之功不終泯焉夫三吳於古爲荆
蠻自被至德之化千百年來蔚爲人文淵藪梅里片壤至今猶

泰伯梅里志 序


以讓鄉稱之鄉之人流連景物追溯遺蹤攬是編也思三讓之
風施於家巷共敦古誼無競無爭庶幾興周之治復見今日則
於此志有厚望云光緒二十三年秋八月權知金匱縣事禎字
後裔保山吳熙謹序



泰伯梅里志圖

泰伯梅里全圖


伯 瀆 河



泰伯廟圖


泰伯梅里志

圖



每方二里半
上北下南

泰伯墓圖



泰伯梅里志

圖

三

泰伯梅里志目錄

卷一

地理

卷二

山水

卷三

橋梁

卷四

陵廟

泰伯梅里志

目錄

卷五

旁祀

卷六

第宅

書院坊

卷七

園墅

卷八

寺觀

泰伯梅里志卷一

江蘇候補知縣署金匱縣知縣禎字後裔保山吳 熙編輯

邑人 安起東 原稿 邑人 過 鑄 參訂

浦傳桂

劉繼增

泰伯廟住持上清宮提舉許巨楫校刊

地理

梅里為有吳肇基之地史記吳太伯太伯弟仲雍皆周太王之
子而王季歷之兄也季歷賢而有聖子昌太王欲立季歷以
及昌於是太伯仲雍二人乃犇荆蠻文身斷髮示不可用以
避季歷季歷果立是為王季而昌為文王太伯之犇荆蠻自

泰伯梅里志

卷一

地理

一

號勾吳荆蠻義之從而歸之千餘家立為吳太伯吳越春秋

泰伯 泰與太同凡引書各 遭殷之末世衰中國侯王數用兵

從本文下皆倣此

恐及於荆蠻故起城周三里二百步外郭三百餘里在吳西

北隅名曰故吳人民皆耕田其中咸濱毘陵志無錫古勾吳

地泰伯舊國其城在今梅里鄉自泰伯以下至王僚二十三

君皆都此周敬王六年闔閭始城姑蘇而遷都焉太平寰宇

記無錫縣太伯城西去縣四十里平地高三丈輿地志云吳

作城梅里平墟即此地城內有太伯宅堂基及井尚在今邑

志相沿泰伯城在無錫縣東南三十里梅里鄉 與寰宇記作

四十里異按

寰宇記惠山寺去縣東七里今實五里是今昔里步盈縮時不同以七里五里準之則四十里適與今志三十里合 時代綿邈莫能詳其畛域惟唐宋以來志乘所載有秦伯鄉梅里鄉尙按籍可考太平寰宇記無錫縣舊四十鄉稍并爲二十七後又省爲二十二鄉攝都都攝晉邑志所謂古鄉是也自明萬厯開改舊編順號計戶分里爲順莊以均田賦遂更爲十三區區分上下扇而鄉名類多移易梅里一鄉盡并入秦伯南延北延懷仁景雲五區 國朝因之雍正四年析置金匱縣實有其地茲志務存其舊仍舉秦伯梅里二鄉爲綱領益以順莊所毘及者曰垂慶曰延祥曰上福曰景雲凡四云

秦伯梅里志

卷一

地理

二

秦伯鄉 在縣東南五十里東至垂慶鄉西至運河南至長洲縣界北至景雲鄉統都四圖二十七

第三十三都攝晉七

第三十四都攝晉八

第三十五都攝晉八

第三十六都攝晉四

鄉鎮

年給帖
入籍

包莊

金娥墩 鄒氏世居明初徐塘十八馬塘之子英始自后宅徙居於此

何店橋

觀莊

華莊 宋世陳氏最盛鄒智遠從子璞自晉陵壻於陳因家於此

塘莊 明世鄒氏最盛

唐邨 元末曹時達自晉陵徙居於此

鼇塔

馬頓

沿塘

白泥墩

丁邨

虎盆

道士莊

東黃

泰伯梅里志 卷一

地理

四

梅里鄉 在縣東南三十五里東至上福鄉西至景雲鄉南至

泰伯鄉北至宅仁鄉統都三區二十九今省

第五十五都攝區十 今并入北延區三懷仁區六景雲區一

第五十六都攝區十 今并入泰伯區一北延區七懷仁區二

第五十七都攝區九 今并入泰伯區四南延區一景雲區四

鄉鎮

東亭鎮 舊名隆亭亦名龍亭東有龍舌尖西去城六里宋靖康閒承事郎華原泉自汴梁扈駕南渡居此為邑中

華氏始祖明嘉靖中學士華察復築別墅大

梅邨鎮 泰伯濱上亦名梅里邨泰伯廟在焉夾水為市梅邨橋通其中

九畝 舊名回溪元末九居敬居此爲德鄉里後人姓其地爲九畝錫山景物畧云九畝舊名回溪里稱九畝者溪上有東莊爲九莊定公別業因改回溪爲九畝

戴墅 莊頭

席祁 鴨城 去城二十里有鴨城橋與地志云吳王牧鳧鴨之地

太平寰宇記作西去縣二十五里

明秦夔詩聞說吳王養鴨時年年來此擁西施豪華已盡江山變落日秋風動蒺藜莫止鴨城懷古詩養鴨鴨可蕃養兵兵可彊只有方寸心多欲難自防千年古城已復隍但見牧豎驅牛羊姑蘇之臺遙相望二十三君在何許開吳祖德誰繼將玩人玩物致國亡國亡豈獨由禽荒嗚呼古今卽事感慨長酒酣日落天蒼茫國朝陸桴詩煮海焚林奈爾何還將食指動清波魚腸一去隨鳧雁鳥喙重來失鸛鶴荷背亂翻新漲急柳根深卧夕陽多如今兩兩煙蓑畔任爾呼名自在過秦瀛梁溪雜事詩蘆花蘆葉響蕭蕭畧符涇皋

秦伯梅里志 卷一 地理 五

放小舸荒草吳王麋鹿 版橋 徑水鳧飛上鴨城橋

安澤 祇陀里 在東亭東北地有祇陀講寺宋隆興中杭州路

總管倪子雲自杭徙此元高士雲 林先生宅遺址在焉今名石皮街

後羅 蠡頭 咸淳毘陵志有酒坊

油車塚 張公橋

石埭 西園 在埭山西南錢氏世居

秦涇 在石埭南二里華氏陸氏爲著姓舊有地曰鐵莊陸桴居此因以自號

埭山 宋寶慶元年吳越武肅王十一世孫承事郎錢迪自臨安徙此稱埭山錢氏

社洞 小呂

蘆尖

萬村

秦村

古名葛城元初黃震自洞庭西山徙此稱秦村黃氏今壩頭北宅等處是也

薛店

楊氏世居明徵士楊彥自楊墓析居於此亦作雪典楊樅雪典村誌元至正閒有遠人雪典者流寓於此得穴

金致富時政苛富人懼禍斂跡典與相國脫脫御史福壽有舊獨設鋪質錢便鄉里繼遭鼎革饑饉頻仍典盡散貲財活

飢民無算民咸德之因名其村曰雪典村

小園 在薛店東明萬厓閒浦萱自曹墓塘卜築於此水木

明瑟人稱小園

樓上 楊氏世居有楊莊簡公故宅

毛塘

香涇

袁墅

破塘 舊名福塘

許巷

冷村

秦伯梅里志

卷一

地理

六

墩陽 在東亭東南元監稅華友聞居此其孫鉉妻陳氏守節詔旌其門曰貞節里曰旌節里華雄於貲第宅甚巍煥

元季悉燬於兵

垂慶鄉

在縣東五十里東至長洲縣界西至上福鄉南至泰

伯鄉北至延祥鄉統都二畝十一今并入南延區

第三十七都攝畝七

第三十八都攝畝四

鄉鎮

張塢橋

小茆涇 錢氏世居今稱嘯傲涇

應店

丁泰 宏治邑志作丁秦

胡村 曹氏世居元季曹漢英自常熟陸莊徙此明世無達者入國朝始以科第顯

甄橋 宋周預自景雲鄉張塘里徙居於此元世周氏最盛至明初錢公達自太湖頭來徙王汝懋自江陰砂山來贅

於周亦世居焉錢氏累世富厚而公達曾孫榮復舉進士為名宦錢於明世尤為貴盛云

塗林 華氏世居明成化閒華守莊自鷺湖避居於此以厚德起家教其子景成進士為同里楊文長洲王鏊高弟官

至福建布政使 荻澤

胡堰 有胡堰橋東有報福寺俗稱胡堰菴 以上屬三十七都

觀前 東宋

胡莊 三黃子

馬橋 咸淳毘陵志有酒坊宋徽宗時沅州通判浦啟源由汴京徙此居伯瀆河北第宅甚鉅後值元世兵亂子孫多

泰伯梅里志 卷一 地理 七

他徙至明初錢謙始自湖頭來徙亦創第河北宏敞壯麗至孫暹乘世富之積遂創四大宅於河之南宅皆千楹即今小馬橋是也宅南故為平壤暹鑿之以通舟楫明世錢與浦世為婚姻富亦相埒宏正閒浦連珠壻於錢築室今店前橋河北廣廈千楹至今人稱浦連珠基縱廣三十餘畝其東北有小水農人蓄水以灌禾人稱連珠池亦名荷花池相傳其園

中池 廟菴

新涇 後堰

蘇舍

延祥鄉 在縣東六十里東至常熟縣界西至上福鄉南至垂

慶鄉北至常熟縣界統都四畝二十四今析為南延區北延

區

第三十九都攝畝六 今南延區五
北延區一

第四十都攝畝六 今南
延區

第四十一都攝畝六 今南延區四
北延區二

第四十二都攝畝六 今南延區一
北延區五

鄉鎮

甘露鎮 在鶯湖北舊稱市宏治邑志甘露市在縣東七十里
延祥鄉風土記云昔有甘露降其地後乃置市五代

楊行密於此置鎮設鎮將以備吳越唐大順元年孫儒陷常
州二年甘露鎮將陳可言備蚩何硯誤越取之是也元設稅
務及巡檢司明初仍之後革咸淳毘陵志有酒坊西北數百
武地名唐巷橋道光閒居民掘地得古甌長尺餘廣殺五之
一上刻尤氏夫人墓下誌生卒歲月女幾葬於無錫縣歸德
鄉前王邨又題唐中和元年某月按邑志延祥鄉舊名追祥

泰伯梅里志 卷一

地理

宋時以歸德鄉併入惟
前王邨今不可考矣

蕩口鎮 在鶯脰蕩口西去城五
十五里其地在元明以

前不甚著稱至洪武時徵君華棕韓居此其名始顯四百年
來高門巨閥櫛比鱗次皆華姓也鎮有巡檢司署舊在望亭
乾隆三年詳請移駐借華公彌別宅作署鶯脰蕩即鶯湖湖
水釀酒色白味冽以蕩酒著名湖中菱芡亦味勝他處又產
銀魚春暮最盛交夏漸稀至七八月盡矣其大如鍼結髮為
網取之白水入白磁甌了不可見惟黑睛兩點如沙浮著水
面而已入暖酒即熟成小玉環形但離水即僵雖不失味不
能成環故難遠饋土產黃草綠擘黃草合絲縷為之勝於苾
葛

白茅墩

蔡灣 馬氏世居明初馬景常
自甘露鄉后塘里徙此 唐涇

黃塘 北湖橋 華氏
世居

新涇港 趙莊

東黃

湯巷

濠上

後塘

在甘露鎮北

柏橋

馬巷

馬氏世居

北黃

在北湖橋北白湄蕩北明世金氏最盛

圓通

明洪武間錢泰居此又稱北錢有圓通寺

西城

鴻山

楊氏世居宋南渡時吉水徽猷閣待制楊邦乂子璿

始築別墅於山麓璿子燧遂定居焉元明之世富甲一邑

朱舍

陳氏世居宋南渡時宣義郎陳樸自潁川徙此

杜莊

浦巷

亦名尙友巷

孔墅

華為著姓係貞固先生後

曹墓塘

南宋周掄自景雲鄉張塘里徙居於此元初浦

濬自馬橋徙此大德中太學生浦椿富而好施歲祲出粟賑飢時稱義士即明初晉府引禮舍人長源先生祖也

秦伯梅里志

卷一

地理

東醮

斷塘

朱莊

西莊

明華子陽自鷺湖闢宅於此在鷺湖西七里因名西

莊後又析居西北里許名小西莊

石窰

唐賈橋

九村

謝埭

北錢

錢氏世居

旺家橋

今名安基

徐充橋

上福鄉 在縣東五十里東至延祥鄉西南至梅里鄉北至宅

仁鄉統都二番十一今并入北延區懷仁區

第四十三都攝番七

今并入北延區